

# Ze barri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2003ko azaroaren 7a / 144. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

## Hilabete barru jarriko dituzte lur azpiko edukiontziak Dorleta auzoan

AINTZANE GARDOKI

Datorren astelehenean, hilak 10, lur azpiko edukiontziak jartzeko lanak nori eman erabakiko du Udalak. Dorleta auzoan jarriko diren edukiontziak hilabete epean jarriko dira. Erantzun ona jasoz gero, urtarrilean Santa Anan ere jarriko dituzte lur azpiko ontziak.

Eskoriatza izango da lur azpiko edukiontziak izango dituen Debagoieneko lehenengo herria. Debarreneko hainbat herritan badaude lur azpiko edukiontziok, baina Debagoienean guztiak lur gainean daude.

### DORLETA AUZOAN

Dorletako auzoan jarriko dituzte lau edukiontziok: zaborra, ontziak, papera eta kartoia eta beira batzeko ontziak jarriko dituzte. "Datorren astelehenean erabakiko dugu lanak nori eman. Eta lanok adjudikatu ondoren hilabete izango dute arduradunek Dorletan joango diren lau edukiontziak jartzeko", esan digu alkate Juan Karlos Bengoak.

Ia 60.000 euroko aurrekontua dute edukiontziok lur azpian jar-



Laster jarriko dituzte Dorleta auzoan Debagoienean jarriko diren lehenengo lur azpiko edukiontziak.

tzeko lanok: "Espaloian zuloa egiteak 12.500 euroko kostua du eta edukiontziak jartzeko plataformak beste 44.000 euro balio du. Sistema berri hori garestiagoa da baina

bere alde onak ere baditu: oraingo ontziak egungoak baino handiagoak dira eta begi-bistatik kanpo gelditzen dira, gainera. Herria txukunagoa eta garbiagoa izango dugu.

Mantentze-lana nola egiten den ikusi behar dugu". Dena dela, jendeak ondo erantzunez gero, urtarrilean Santa Anan jarriko dira lur azpiko ontziak.

*Zaborra, ontziak papera eta kartoia eta beira batzeko ontziak jarriko dituzte*

*Ia 60.000 euroko aurrekontua dute edukiontziak lur azpian jartzeko lanok*

*Jendeak ondo erantzunez gero, urtarrilean Santa Anan jarriko dira lur azpiko ontziak*



### HUHEZIKO aparkamendua zabalik

Eskoriatzako Udalak eta HUHEZI fakultateko arduradunek hitzarmena sinatu dute oraintsu. Hitzarmen horri esker, Unibertsitateko aparkamendua zabalik egongo da egun osoz, eta eskoriatzarrek HUHEZIKO aparkamenduan autoa aparkatzeko eskubide osoa izango dute. Urteko egun guztietan, hau da, 365 egunez eta 24 orduz egongo da aparkamendua zabalik. Guztira 70 autoren-dako lekua du HUHEZIKO aparkamendua.

### LABUR

#### Tortolis ludoteka lekuz aldatuko dute laster

Axtroki Euskara Elkarteak kudeatzen duen Tortolis ludoteka datorren astean itxita egongo da: azaroaren 10etik azaroaren 14ra. Orain arte Gorosarri plazan kokatuta egon den ludoteka tokiz aldatuko dute; izan ere, datorren azaroaren 17tik aurrera Tortolis ludotekak Jose Arana kaleko 13. zenbakian -udaletxe zaharrean- hartuko du lekua. Dena dela badi- rudi hilabete batzuk egingo dituela bertan, gero, seguruenik, Tortolis ludoteka Santa Ana auzoan kokatuko baita.



**TELEFONO JAKINGARRIAK**

**ESKORIATZA**

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

**BESTELAKOAK**

Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

**OHARRAK**

**EUSKAL KANTU ETA JOLASEN IKASTAROA**

Bihar hasi eta hurrengo bi asteotan (azaroak 15 eta 22) euskal kantu eta jolasen ikastaroa egingo dute Eskoriatzan. Adinaren arabera bi taldetan banatzekoak ziren ikasleak baina azkenean, 0-5 urte arteko umeei egokitutako kantu eta jolasak ikasiko dituzte guztiek. Hitzordua, 10:00etatik 12:00etara, Eskoriatzako kultura etxean.

**KULTURA**

**Esku bete kultura ekitaldi antolatu dituzte azaroan**

AMAGIOIA LASAGABASTER

**Joan den zapatuan gaztetxean egindako kontzertuak jarri zuen abian azaroko egitarau kulturala. Udaleko Kultura Sailak herriko hainbat talderekin lankidetzan gertatu du hilabete honetako eskaintza. Musika, berbaldiak, ikastaroak, bertso txapelketa... Ez da ezer falta.**

Azaroaren 29ra arte iraungo du Udalak gertatutako egitarau kulturalak. Beste hilabete batzuetan egin duten moduan, herritar guztiei zuzendutako ekitaldiak antolatu dituzte. Hala ere, azaroa berezia izango da; oraingoan, herriko beste hainbat talderekin lankidetzan ekitaldi gehiago egongo dira.

**EKITALDI UGARI**

Gazte Asanbladak, HUHEZIK, Amuska emakume taldeak, Musika Eskolako Bandak, Axtrokik eta Luis Ezeizako Guraso Elkarteak egin dute, Udalarekin batera, azaroko egitaraua. Nork bere gustuko ekitaldiak antolatu ditu. Hala, joan den zapatuan, hilak 1, Gazte Asanbladak kontzertu arrakastatsua antolatu zuten gaztetxean. Horrez gain, atzo Euskal Selektzioaren gaineko berbaldia egin zuten. Amuskak, bestalde, eguaztenez, hilak 5, gerraren inguruko berbaldia egin zuten eta azaroaren 21erako film emanaldi bat antolatu du. HUHEZIK ere bere ekarpena egin du; hain zuzen, poesia eta



Raik ipuin kontaketa saioa egin zuen martitzenean liburutegian.

musika ikuskizuna antolatu du datorren egunerako, hilak 13. Musika gehiago, baina, Musika Eskolako Bandak jarriko du; Santa Zezilia eguneko kontzertua egingo du hilaren 21ean. Luis Ezeizako

Guraso Elkarteak, berriz, Gaztaina Erre Eguna egingo du hilaren 27an. Horrez guztiaz gainera, Udalak eta Axtrokik antzerki emanaldiak eta hainbat ekitaldi antolatu dituzte.

**BERTSO TXAPELKETA**

Udalak hilabete honetarako bildu dituen ekitaldi guztien artean, Gipuzkoako Bertso Txapelketaren finalerdiak piztu du ikusmin handien. Azaroaren 16an egingo dute norgehiagoka, kiroldegian. Sarre-rak dagoeneko salgai daude kiroldegian, Dorleta liburu dendan eta Mirentxu eta Aldatz tabernetan. Beraz, horra aukera.

*Hilabete honetako kultura eskaintzaren artean, bertso txapelketak piztu du ikusmin handien*

**LABUR**

**Patxin eta Potxin Arizmendi ezagutzeko**

Datorren azaroaren 15ean, Arizmendi ikastolako Almen gunea ezagutu eta arratsalde atsegina pasatu gura duten ikasle eta gurasoek aukera paregabea dute. 16:00etatik aurrera, 18:30 bitartean, egingo da festa. Patxin eta Potxin pailazoez eskainiko duten ikuskizunaz gain, ipuin kontaketa musikatua, eskulan lantegiak eta beste zer ikusi ugari egongo da. Ikastola ezagutu eta eguneroko lanean umeek zer egiten duten ikusi ahal izango dute gurasoek.

**Sendotzako sakramentuan parte hartzeko deia**

Parrokiak sendotzako sakramentua (konfirmazioa) hartu gura dutenei aukera eman gura die. 15 urtetik gorako herritarrek dute parte hartzeko aukera. Azaroaren 14an egingo dute bilera, 18:30ean, Itarte etxean. "Orain arte, behintzat, Eskoriatzan urtero-urtero izan ditugu -batez ere gazteak- sendotzako sakramentua prestatzen. Aurten, adibidez, sei laguneko taldea dabil", esan digu Imanol Andetxagak. Normalean, hiru urteko prozesua behar izaten da sendotzako sakramentua prestatzeko. Datorren egubakoitzean biltzen den jendearen arabera erabakiko dute ikastaroak noiz egin.

**ALDATZ  
TABERNA**

TRASPASATZEN DA

ESKORIATZA



Aranburuzabala 22, behea  
ESKORIATZA  
Tel.: 943 71 51 20

**Ze barri?**

**Izan zaitetz zeu ere berriemaile!**

Zure taldearen, auzoaren, elkartearen...  
gaineko informazioa emateko, deitu gurera!

**943 79 86 21**

LENIZ, C.B. KONPONKETAK



TXAPA, MARGOA eta MEKANIKA



Aingeru Ibiltokia z/g. • Tel.: 943 71 50 61 • Eskoriatza



- Sukaldeko Bateriak
- Lapiko Lasterrak
- Zartakin eta Paeilaontzi itsasgaitzak

Aingeru Ibiltoki 3  
Tel.: 943 71 41 31 Eskoriatza 20540

**AZKOAGA  
ESTANKOA**

943 71 48 77  
Zure  
Zerbitzura



# San Milixanetako aste bukaera ekintzaz gainezka dator Leintz Gatzagara

AINTZANE GARDOKI

**San Milixan ardikixe jan eta aketeixan, dio esaera zaharrak. Azkeneko urteotan azaroko bigarren domekan ospatzen dute gatzagarrek San Milixan azoka. Aurten XI. Langintzen Feria egingo dute. Horiez gain, beste ekitaldi batzuk ere prestatu dituzte astebururako.**

Bihar, zapatua, *Gatzaga 2003* Gatzagaren eta gatzagarren gaineko diaporama estreinatuko dute frontoian. Bostehun argazki baino gehiagorekin osatutako bideoak 16 minutu irauten du. Lehenak bideoa ikusten ibarrek alkateak, kultura zinegotzi eta teknikariak eta kazetariak izan dira.

Udalak herriaren oraina eta etorkizunerako dituen asmoak iruditan jasotzea izan du helburu. Txelu Angoitia argazkilariak, Juan Martin Elexpuru idazleak, Beatriz Arzamendi musikariak eta guztien arteko lana koordinatzen Iñigo Astigarragak jardun dute. Orain dela bi urte hasitako lanaren emaitza laster ikusi ahal izango dute herritarrek. Hitzordua bihar, hilak 8, 19:30ean, herriko frontoian.

## SAN MILIXAN AZOKA DOMEKAN

Etzi, domekan, 10:30ean hasiko da XI. Langintzen Feria. Arabatik, Nafarroatik, Bizkaitik eta Gipuzkoatik etorritako 16 artisau elkartuko dira Gatzagako frontoian.

Adar tailatzea, uztarriak, makilak eta maketak, erliebe handiko tailak, gaztainondo-zumitzen otarregintza, beira puztu modelatua, lore siku eta prentsatuak, argizari eskulangintza, arta-orrizko alfibrak, ehoziri lanak, gaztagileak eta turroigileak ikusi ahal izango dira, besteak beste, frontoiaren barrualdean. Kanpoaldean, berriz, forjalana ikusteko aukera izango da. "Ez da lan erraza horrenbeste artisau ekartzea. Baina egindako esfortzuak merezi izango duela espero dut", esan digu kultura zinegotzi Jon Sasiainek. "Artisauen artean berrikuntza ugari izango ditugu ikusteko".



Guztira 17 artisauak erakutsiko dituzte euren lanak XI. Langintzen Ferixan.



Antolatzaileek espero dute datorren domekan, hilaren 9an, jai giro bikaina egotea San Milixan azokan.

Eguerdian bazkaltzeko tartea egingo dute artisauak. 14.30etik 17:00etara bitartean azoka itxita egongo da, eta gero, 20:00ak arte egongo da azoka zabalik. Sorginak emakume taldeak, bestalde,

aurten ere izango ditu eginbehar ugari San Milixan egunean. Ohi-turari eutsiz, Gatzagako emakumeek talo ederrak egingo dituzte domekan, hilak 9. "80 kilo irin, 8 kilo hirugihar eta 10 kilo txis-

torra prestatuko ditugu", esan digu Sorginak taldeko kide Amaia Olabek. "Egia esan, izen handia hartu dute azkeneko urteotan emakumeek egiten dituzten taloek. Eguerdia aldera datozen lagu-

*Gatzagaren eta gatzagarren gaineko bideoa bihar, zapatua, 19:30ean estreinatuko da*

*"80 kilo irin, 8 kilo hirugihar eta beste 10 kilo txistorra prestatuko ditugu domekan"*

nei pazientzia izan dezatela eskatu gura diegu, taloak ondo harrotuta eta beroa egon behar du eta gozoa egoteko. Jende asko batzen da ordu berean talo erosteko, eta emakumeek ezin izaten dute gura beste talo egin denbora laburrean", gaineratu du Amaiak. "Buzkantzak ere egin ditugu eta buzkantzak erosi gura dituenak goizean ibili beharko du".

Era berean, Sorginak taldeak sendabelarren gaineko erakusketa jarriko du San Milixan azoka egunerako. "Joan den udaberrian hitzaldia egin zuen Alberto Altubek sendabelarren gainean. Udan belarrak batu genituen eta Andramaixetan sendabelarren gaineko erakusketa egin genuen. Gaur, egubakoitza, 18:30ean Altubek hitzaldi-praktikoa egingo du Garro jauregian. Adibidez, belarrekin ukenduak nola egiten diren erakutsiko digu. Eta domekan, egun osoz, erakusketa zabalik egongo da Garron bertan", jakinarazi du Olabek.

Gainera, Gatzagara doazen bisitariak domekan, 11:00etatik 14:00etara bitartean, 20 minuturo Gatz Museoa bisitatzeko aukera izango dute. Dena prest dago, beraz, domekarako Gatzagan: "Eguraldi ederra izango dugu; klaratarrei, behintzat, eraman dizkiegu 13 arrautzako dozena", esan digu Sasiainek.



## Gure Ametsa

**Ezkontzak  
Jaunartzeak  
Enpresa bazkariak  
Euskal janari tradizionala**

Tel. eta faxa: 943 71 49 52  
LEINTZ GATZAGA





Maulanda  
*merenderoa*  
Eguneko  
menua  
Maulanda Auzoa, 20540 ESKORLATZA  
Tel.: 943 71 47 20 eta 943 71 54 56



## SAIO BEREZIA

Prestige:  
orain dela urtebete  
bizitakoa gogoan

Martitzenean, azaroaren 11n  
20:30ean

**Goitb**  
Goiena Telebista

*Ikusiko  
duzu!*







# MONDRA-UDA!

Debagoieneko derbi klasikoena Goiena Telebistan



Goiena Telebista

**Ikusiko  
duzu!**

MONDRA-UDA  
Laguntzaileak:  
Aretz, Azkena, Basabe jatetxea, Ezkutu, Gurea, Orly, Zاراia

Zapatuan, azaroak 8an  
Atxabalpe futbol zelaian, 15:30ean.  
19:30ean GOITBn